

22 - ZVOKUSARUDZA ZVAKAWANDA



1

Ungariwana seyi sangano rechokwadi?



2

Unosishamisika here kuti sei kunemasangano akawanda akasiyana? Vanhu vakawanda vakawanda havazvizive.

Masangano anodzidzisa kuti ndiwo ega anechokwadi. Unosizvibvunza here kuti nderipi sangano rinodzidzisa uye rinotenda muchokwadi chaMwari?



3

Shamwari, Bhaibheri rinemhinduro yatinotsvaka. Munyika isinganzwisisi, shoko raMwari rinovimbisa kupatsanisa zviri zvezvokwadi nezviri zvenhema!



4

Musoro wenyaya wechidzidzo chanhasi unoti, "Sei kunemasangano akawanda akasiyana?"



5

(Chiverengo: Amosi 3:7)

Zviokwazvo, Ishe Jehova haangaiti chinhu, asina kumbozivisa varanda vake vaporofita zvakavanzika zvake.

Amosi 3:7.



6

(Video: 4 sec) Handei ku shoko raMwari.

Rangarira kuti hazvina basa kuti ndinofungei. Chinebasa ndechokuti zviri muBhaibheri here. Kana zvirimo, ndinozvitenda. Kana zvisimo, hazvisi zvangu!



7

Kutangisa chidzidzo chedu, ngatitangei nebhuku rokupedzisira reBhaibheri - Zvakazarurwa.

Zvakazarurwa 6, rinotaura nevarume vana vakatasva mabhiza.

22 - ZVOKUSARUDZA ZVAKAWANDA



8

Varume vana vakatasva mabhiza vanomirira nguva dzakasiyana dzenhoroondo yekereke yemaKristu. Munguva idzi tinoona kukura kwemakereke akasiyana atinawo nhasi.



9

(Chiverengo: Zvakazarurwa 6:1)
Zvino ndakawona Gwayana richizarura chimwe chezvisimbiso zvinomwe,



10

ndikanzwa chimwe chezvisikwa zvipenyu zvina chichiti nenzwi romutinhro: Wuya uwone!

Zvakazarurwa 6:1.

Nhoroondo yechiKristu inorondedzerwa muchitsauko ichi chechitanhatu.



11

(Chiverengo: Zvakazarurwa 6:2)

Ndikatarira, ndikawona bhiza jena, naiye wakanga akaritasva, wakanga anowuta; akapiwa korona,



12

akabuda achikunda, wuye kuti akunde.
Zvakazarurwa 6:2.



13

Kereke kana sangano rekutanga isangano rekutenda kunokunda.

Ibhiza chena.

Kuchena rwuvara rwunomirira kutenda kwakaperera.



14

Kwaiva nguva inonakidza kugara munguva yekutanga iyi mushure kwekuenda kwaJesu kudenga.

22 - ZVOKUSARUDZA ZVAKAWANDA




15

Vadzidzisi vaJesu vaiva nesimba nekuitenda kwakazara
nokuti vaive vafamba vakataura naJesu.
Vakamuona achimuka.
Vakamuona achienda kudenga.
Vaiziva kuti achadzokazve.
Vaitenda zvakavimbisiwa naJesu nemoyo yavo yese.




16

Vakaendesa nhau dzevhangeri kunyika yese,
vanekufara nokusimbiswa kukuru.




17

(Chiverengo: VaKorose 1:21-23)
Nemi wo, kare maiva vayeni navavengi pakufunga
kwenyu pamabasa enyu akaipa,
Nhau dzakanaka dzokuponeswa dzakaparidzwa
munzvimbo dzese dzinozikanwa dzenyika. Pauro anoti,



18

asi zvino wakakuyaninasai




19

pamuviri wenyama yake, nokufa kwake, kuti akuisei
pamberi pake muri vatsvene,



20

musina mhosva, musingapomerwi,



21


kana muchingorambira pakutenda, makateyiwa,
mumire makasimba,

22 - ZVOKUSARUDZA ZVAKAWANDA



22

musingabviswi patariro yeEvhangeri yamakanzwa,



23

yakaparidzirwa zvisikwa zvose pasi pokudenga; iyo Evhangeri yandakaitwa mushumiri wayo, ini Pauro. VaKorose 1:21-23.



24

**(Chiverengo: Mabasa 5:14)
Vatendi vazhinji kwazvo, varume navakadzi, vairamba vachiwedzerwa kunaShe. Mabasa 5:14. Bhuku remabasa rinoti vakawanda vakabhabhatidzwa pazuva rega rega.**



25

**(Chiverengo: Mabasa 2:47)
...Ishe akawedzera kwavari zuva rimwe nerimwe avo vaiponeswa. Mabasa 2:47. Sangano kana kereke raiva muviri waKristu.**



26

Vanhu vakabhabhatidzwa muzita raJesu. Vakabhabhatidzwa mumuviri wake, waiva kereke. Zvaive zvakakosha kuti vateveri vekutanga ava vatende munaJesu. Vateveri ava pavakayambirwa kuti vasadzidzise vanhu muzita raJesu, Bhaibheri rinoti iro;



27

**(Chiverengo: Mabasa 5:29)
Zvino Petro navaapostora vakapindura, vakati: Tinofanira kuteerera Mwari kupfura vanhu. Mabasa 5:29. Zvaikosha kuita zvinhu chete zvakataurwa namwari panokuteerera tsika dzevanhu.**



28

Zvakadaro, vaiva nekutenda kwakaperera, nokuti vakambofamba naJesu. Vaitenda zvaitendwa naJesu. Vaidzidzisa zvakadzidziswa naJesu.

22 - ZVOKUSARUDZA ZVAKAWANDA



29

Ndiko kutenda kwatinofanira kuva nako mumazuva ano - kutenda kwakaperera kunotarisa kuuya kwaJesu kwechipiri.

Kutenda kunotarisa kufambiswa kwenhau dzakanaka dzoruponeso kushamwari dzedu dzose nevavakidzani vedu - kumunhu wese munyika - tichizadzikisa kutumwa kwatakarairwa naJesu.

Uku kutenda kwakaperera.

Kutenda kwevatendi vesangano kana kereke renguva yekutanga.



30

Kereke kana sangano rekutanga rekutenda kwakaperera rinomirirwa nebhiza chena.

Nguva iyi yakapera mugore ra A.D. 100.



31

Johane akaona chii pakavhurwa muono wechipiri naJesu?



32

(Chiverengo: Zvakazarurwa 6:4)

Ipapo rimwe bhiza rakabuda riridzvuku; wakanga akaritasva akapiwa simba kuti abvise rugare panyika,



33

kuti vawurayane; akapiwa munondo mukuru. Zvakazarurwa 6:4.

Apa tinoona kutenda kwazorwa neropa.



34

Tinoziva kuti pakapfuura gore ra A.D. 100, maKristu vakatanga kusungwa vachitambudzwa vachiendeswa kuRome kunouraiwa, uyezve vakawanda vakakandiwa mumagoronga eshumba kunzvimbo yeku Rome.

22 - ZVOKUSARUDZA ZVAKAWANDA



35

Iyi yaiva nguva inotyisa zvikuru yesangano remaKristu! Asi kereke kana sangano rakakura kunyange zvakadaro. Umwe mudzidzi wenhorondo yekereke kana sangano yenguva iyoyo, anoti iye, zvaionekwa sokunzi ropa rema Kristu raiva mhodzi kana mbewu.


Vanhu pavaifa vachipira hupenyu hwavo kunaJesu, zvaifanana semhodzi kana mbewu inodzwarwa, ichibereka zvakawanda. Paiva nevanhu vakawanda vaitora nzvimbo dzavo, vachipiwa kushinga neavo vaiurawa.

Nhau dzakanaka dzoruponeso dzakazara munyika dzose dzaitongwa neRome munguva iyoyo.



36

Saka bhiza dzuku raimirira kutenda kwakazorwa ropa. Muono wechipiri ndewe sangano remaKristu kubva mugore ra A.D. 100 kusvika mugore ra A.D. 323.




37

(Chiverengo: Zvakazarurwa 6:5)

Iyezvino Jesu akazarura muono wechitatu - nguva yechitatu yesangano rechiKristu.

Wakati azarura chisimbiso chechitatu, ndikanzwa chisikwa chipenyu chechitatu chichiti: "Wuya uwone!"



38

Ndikatarira, ndikawona bhiza dema; wakanga akaritasva wakanga anechiyereso muruwoko rwake. Zvakazarurwa 6:5.



39

Bhiza iri ridema rinomirira kutenda kwakashaiswa simba.



40

(Chiverengo: Mabasa 20:29,30)

Ini ndinoziva kuti kana ndaenda, mapere anoparadza achapinda pakati penyu, asingaregi boka.

22 - ZVOKUSARUDZA ZVAKAWANDA



41

Wuye, napakati penyu pamene pachamuka varume, vachatawura zvinopesanisa, kuti vatsause vadzidzi vavatevere.

Mabasa 20:29,30.

Iyi inguva inosuruvarisa chaizvo musangano rechiKristu.



42

Inguva yekutenda kwakashaiswa simba - apo tsika dzenyika padzakabvumirwa kupinda musangano rechiKristu - kubatana kwetsika dzenyika nechiKristu. Danieri aiva aporofita akati:



43

(Chiverengo: Danieri 8:12)

Hondo ikamutswa kuzorwa nechipiriso chinopiswa nguva dzose nokuda kwokudarika;



44

rukawisira pasi zvokwadi, rukafara panezvose zvarwakaita. Danieri 8:12.



45

Chokwadi chekutanga chakarasika munguva iyi ndechoruponeso nokutenda muna Jesu badzi. Kuponeswa nokutenda munaKristu kwakapindirwa nomurairo wezvido zvekereke.



46

Kana ukarangerira, takadzidza kuti sokutaura kweBhaibheri, kuponeswa chipo chisingatengwi. Chipi, nokuti tese takatadza uye hatifanirwe kuchipiwa. Taifanirwa kufa, nokuti mubairo wezvivi rufu.

Asi chipi chaMwari hupenyu husingaperi.



47

Tichiri vatadzi, Kristu wakatifira. Iri ndiro vhangeri ririnyore.

22 - ZVOKUSARUDZA ZVAKAWANDA



48

Kuti tiwane chipo ichi, zvatinofanira kuita kubvumira Jesu mumoyo yedu.



49

Anozoti regerera zvivi zvedu zvose.



50

Kechipiri, Anotipa simba rokurega kuramba tichitadza. Anotipa simba rokufamba mutsoka Dzake.




51

Asi chokwadi ichi cheruponeso, chevhangeri raJesu, chakaraswa chikapindirwa nemurairo wezvido zvesangano.



52

Panokuti vanhu vaende kunaMwari kunokumbira nyasha dzake neruregerero pazvivi zvavo, vakataurirwa kunzi vanofanira kubhadrara mari kuti zvivi zvavo zviregererwe.



53

(Chiverengo: 1 Johane 1:9)

Kana tichizvirewurura, nokudaro kuti unotikanganwira zvivi zvedu, nokutinatsa pakusarurama kwose. 1 Johane 1:9.



54

MaKristu akataurirwa kuti aende kumapristi. Vaienda kumunhu akafanana savo. Vakarambidzwa kuenda kunaMwari kunonamata. Kuponeswa kwadzoka kukawoma zvikuru. Vanhu vakabvuma izvi nokuti vaive vasina shoko raMwari.

22 - ZVOKUSARUDZA ZVAKAWANDA



55

Kuchengeta shoko raMwari kwaive kurikugura mutemo munguva iyi.

Paive pasina michina inonyora magwaro munguva iyi saka zvaive zvichinetsa kuwana zvinyorwa zveBhaibheri.

Vanhu vakawanda vakabvuma zvavaitaurirwa nesangano, nekutenda kwemaKristu kukapesanisika.



56


Chokwadi chechipiri cheBhaibheri chakashaiswa simba chaive chirimairano nokunamata zvimufananidzo zvakavezwa panokunamata Mwari Musiki wedu. Mwari anoti iye mumitemo inegumi:



57

(Chiverengo: Eksodo 20:4,5)

Usazviitira mufananidzo wakavezwa, kana uri mufananidzo wechinhu chiri kudenga kumusoro,



58

kana wechiri panyika pasi, kana wechiri mumvura pasi penyika.



59

Usapfugamira izvozvo, kana kuzvishumira; nokuti Ini Jehova Mwari wako, ndiri Mwari unegodo;



60

ndinorova vana nokuda kwezvivi zvamadzibaba avo, kusvikira kurudzi rwechitatu norwechina rwavanondivenga. Eksodo 20:4,5.



61

Iyi yaiva nguva yakapinda zvimufananidzo musangano kana mukereke.

Mitemo inegumi yakataura zviripachena kuti chitema kunamata chimwe chinhu kunze kwaMwari pachake.

22 - ZVOKUSARUDZA ZVAKAWANDA



62

Chokwadi chechitatu muBhaibheri chakashaiswa simba munguva iyi chakava maererano nemutemo wechina, wezuva rokunamata.

Tarisa kuti Bhaibheri rinti chii nezva Danieri paaiona izvi:



63

(Chiverengo: Danieri 7:15)

Kana ndirini Danieri, mweya wangu wakatambudzika mukati momuviri wangu, wuye zvandakawona muzviratidzo zvomusoro mangu zvakandivhundusa. Danieri 7:15.



64

Takaona kuti Constatntine akaisa sei mutemo weSongo: Achishandura zuva rokunamata kubva kuSabata rezuva rechinomwe kuenda kuSongo zuva rokutanga.



65

(Chiverengo: Johane 14:15)

Kana muchindida, muchachengeta mirairo yangu. Johane 14:15.


Asi panguva iyi yokushaiswa simba rekutenda, rudo rwevanhu kunaJesu rwakatonhora, uye vakawanda vakatevera tsika dzaivapo panokuti vatevere Mwari.



66


Kereke kana sangano rakabvuma kushaiswa simba maererano neSabata rikaedza kushandura zuva iri rokunamata.

Mugore ra 1995, May 21, sangano reku St. Catherine's Catholic Church Sentinel rakati iro,



67

Zvakanyanyisa, zvakashandurwa neSangano kubva pakutanga. Izuva dzvene,



68

reSabata, rakashandurwa kubva kuMugovera kuyitwa Svondo...kushandurwa uku hakuna kubva mukuraira kweBhaibheri, asi kwakabva musangano kuti rizviratidze kuti rinesimba...

22 - ZVOKUSARUDZA ZVAKAWANDA



69

Vanhu vanofungira kuti Bhaibheri rinova iro bedzi rinofanira kushandiswa, isangano yema Seventh-day Adventists, nokuti vanochengeta Mugovera uri mutsvene.



70

Kunamata neSondo, zuva rekutanga revhiki hakuwanikwi muBhaibheri. Vadzidzi veBhaibheri munyika vanozvibvuma izvi!



71

Kushandura uku, sezvataona, kwakaunzwa naConstantine, mutungamiri we nzvimbo ye Rome muna A.D. 320, uyezve kereke kana sangano rakabvumirana nazvo zvaakaita uyu Constantine.



72

Shamwari dzangu, kana tichida kuita zvinotaurwa neBhaibheri, tinofanira kuva maSeventh-day Adventists! Munguva yokushaiswa simba kwechokwadi, zuva rekunamata chimwari chenhema chezuva ndiro zuva rakazopindira Sabata dzvene remuBhaibheri.



73

Mari yaConstantine yaiva kunorumwe, rutivi zita raJesu kozoti rumwe rutivi runomufananidzo wezvimirari zvezuva zvavainamata...



74


achiita sekunonzi haisakwanisa kusunungura vateveri vechiedza chinobwinya. Izvi hazvishamisi here?



75

Mwari anozviisa pachena mumitemo yake:

22 - ZVOKUSARUDZA ZVAKAWANDA



(Chiverengo: Eksodo 20:11)
Nokuti namazuva matanhata Jehova wakaita denga napasi, negungwa, nezvose zviri mukati mazvo,



akazorora nezuva rechinomwe; naizvozvo Jehova wakaropafadza zuva reSabata akariita dzvene.
Eksodo 20:11.



Mwari anozviisa pachena kuti anoda kuti vanhu vake vachengete Sabata dzvene.
Mushure pakutanga, Bhaibheri rinoti,



(Chiverengo: Genesi 2:3)
Mwari akaropafadza musi wechinomwe, akawuita mutsvene;



nokuti wakazorora nawo pabasa rake rose Mwari raakanga asika nokuuta.
Genesi 2:3.



Kana Mwari Musiki



akakomborera zuva,



kana akaisa zuva rimwe parutivi,


22 - ZVOKUSARUDZA ZVAKAWANDA



84

kana Akaita rimwe dzvene pane mamwe ese, zvinoreva kuti shamwari dzangu, munhu haana kutenderwa, haana simba rokurishandura!

Inozova nyaya yokunamata, nyaya yokuteerera, kuti tichatevera tsika dzevanhu here kana kuti tichaita zvakataurwa naMwari.



85

Zvino iyi inguva yekutenda kwakashaiswa simba. Kutenda kwashaiswa simba kwesangano kunotanga mugore ra A.D. 323 kusvika muna A.D. 536.



86

Toenda munguva yechina yesangano raMwari, iyi iringuva yakamirirwa nebhiza risina ruvara.



87

(Chiverengo: Zvakazarurwa 6:7,8)

Wakati azarura chisimbiso chechina, ndikanzwa inzwi rechisikwa chipenyu chechina richiti: Wuya uwone!



88

Ndikatarira, ndikawona bhiza rakachenuruka; wakanga akaritasva, zita rake Rufu; wuye Hadesi rakamutevera.



89

Ivo vakapiwa simba pamusoro pechechina chenyika, kuti vawuraye nomunondo,



90


nenzara, norufu, nezvikara zvenyika. Zvakazarurwa 6:7,8.

22 - ZVOKUSARUDZA ZVAKAWANDA




91

Muono wechina - Kutenda kwakafa.
Yaive nguva yekubatana kana kusangana kwesangano nehurumende.
Hurumende yeRome ndiyo yaitonga nyika yese. Simba reRome raive rawedzerwa. Raive ririsimba rezvematongerwo enyika nezvekunamata.
Saka kwaive kuri kubatana kwesangano nezvinhu zvechimurenga zvehurumende.



92

Kunamata Kristu kwakava chitendero chikuru muwushe hwe Roma zvakare kukatora chinzvimbho chokunamata mifananidzo.



93

ChiKristu chakavapo nemazuva iwayo okutam-budzwa kwemaKristu chaiwo, kungadaniwe kunzi, 'Tsika dzakaipa dzaka bhabhatidzwa.'
- Church History, Century 2, chap. 2, sec. 7.



94

Rangarira kuti panguva iyi, vanhu vaive vasingabvumidzwe kuchengeta kana kuverenga shoko raMwari.
Kwaive kutikugura mutemo uyezve paive pasina michina wekunyora mabhuku.



95

Vanhu vakatevera tsika.
Vakatevera zvenyika zvaive zvapinda musangano.
Idzi ichokwadi dzandirikukudzidzisi.



96

(Video: 7 sec) Sangano rairarama ndere Roma. Handisi kushora vanhu -asi maitiro ezvinhu!
Tineve Roma Katorika vakanaka kwazvo; mapristi nevatendi vanoda Jesu munyika yese, uyezve varikutsvaka chokwadi.
Zvakakosha kuti tinzwisise kuti sei tiripanzvimbho yatakamira nhasi.

22 - ZVOKUSARUDZA ZVAKAWANDA



97

Iyi yaiva nguva inotyisa yekushaiswa simba kwechokwadi nekutenda kunaMwari, nguva inotyisa yekutambudzwa kwevanhu vaMwari.



98

Ndosaka ichinzi “The Dark Ages.” MaKristu vanosvika 50 000 000 vakauraiwa nenyaya yekutenda kwavo muna Jesu.



99

Tarisa apa mavambo okutora nematuro chokwadi chaMwari:



100

tsika,



101

kuzvirwadzisa,



102


neku bhadhariswa ruponeso kwakapinda musangano. Waitora mari yokunobhadhara, kuitira kuti hama dzako dzisaenda kugehena, kana kuti aizvibhadharira, kuti kana wafa zvinzi usaenda kugehena. Izvi zvinhu zvenyika zvakapinda musangano remaKristu.



103

Mushoko raMwari hamuna chinhu chakadaro. Mufananidzo nezvifananidzo zvakapinda musangano -zvese nezdidziso yomurairo nezvoutungamiri. Chokwadi chaMwari chaivigwa zvachose here? Kwete, nokuti chiedza chechokwadi chaizopinda. Nzira dzinotungamirira kuchokwadi dzakarasika munguva ye “Dark Ages” dzaizotsvagwa zvakare.

22 - ZVOKUSARUDZA ZVAKAWANDA



104

Panguva ye “Reformation”, kutenda kwakaperera kwaJesu kwakatanga kuwanikwa.



105

Vakatanga kutora nzira inobuda mu “Dark Ages” mumakore a 1400 kwaive kune chimwe chikwata chainzi ma “Waldenses”.



106

Vakawana zvakare chokwadi cheshoko raMwari, Bhaibheri.
Bhabheri rakakosha.
Dai tisina shoko raMwari, dai tisina tsamba dzerudo rwake dzinowanikwa muBhaibheri, dai tisina nzira muhupenyu.



107

Kunyika yeku Northen Italy, tinowana nhoroondo yema Waldenses waitenda muBhabheri.
MaWaldenses vainyora mashoko aMwari nemawoko, vachiwapa kuvana vavo.
Nemavhesi akasonerwa pambatya dzavo, vana ava vaienda kumaguta makuru ekuEurope.
Vaigova mavhesi aya eBhaibheri kushamwari dzavaiita pamusika nomuma “University”.



108

Vaibatwa vaipisiwa mumoto.
Vakawanda vakarasikirwa nehupenyu wavo, asi maWaldenses vaizvitora sechinhu chinokosha kuendesera mberi nekuchengetedza basa raMwari.



109

Shure kwema Waldensians, kwakauya umwe mudzidzi weBhaibheri ainzi John Huss.
John Huss neshamwari yake Jerome, vakawona kuti zvaikosha kutetera Mwari panokuteerera sangano kana munhu.



110

Nokuzvipira kwavo kokuteerera, kokutenda kuti tinofanira kuita zvinotaura Mwari panokutevera tsika dzesangano, vakapisiwa mumoto vakafa. Madota avo akazokandirwa munyanza ye Mediterranean. Nenzira inofanana, Reformation iyi yakayererawo ichienda kunzvimbo dze dzenyika.



111

Shure kokupisiwa kwa John Huss na Jerome, umwe murume kunyika ye Germany ainzi Martin Luther akawana chokwadi cheBhaibheri chekuponeswa kwevanhu nenyasha dzaMwari chete.



112

Vamwe vanhu vanobvunza kuti, "Sei Luther asina kuwana chokwadi chese chakarasika munguva ye Dark Ages?" Bhaibheri rinoti,



113

(Chiverengo: Johane 16:12) Ndinezvishinji zvandinoda kukuwudzai; asi hamugoni kuzvigamuchira zvino. Johane 16:12.



114

Kuwana chokwadi chese chaive charasika cheBhaibheri kwaitora nguva. Zvakatora makore emazana akawanda kurasikirwa nekutenda kwaJesu munguva ye Dark Ages. Zvaizotora nguva yakarebazve kuwana chokwadi ichi.



115

Pakafa Luther, vateveri vake vakateerera zvaakataura ndokuvamba sangano kana kereke rinonzi Lutheran. Kuna ivo, reformation kana kumutsidzira kwakapera pakufa kwa Martin Luther.



116

Tichibva kuGermany, tinoenda zasi kuGeneva, Switzerland, kwatinowana mudzidzi weBhabibheri anoi John Calvin.

22 - ZVOKUSARUDZA ZVAKAWANDA



117

muzvidzidzo zvake, John Calvin akawana kuti maKristu vaisawana nyasha nokuregererwa, nokuuya mberi paMwari chete, asi kuti zvaive zvakakosha kuti pavaive vauuya mberi paMwari vakure zvakare munaKristu.



118

Nokudaro John Calvin akadzidzisa nyaya yokukura munaKristu, iyo inonzi nevamwe kucheneswa (Sanctification), Kana tichigamuchira Jesu, anotipa simba rekukurira chivi.



119

Pakafa John Calvin, vateveri vake vakateerera zvaakataura, vakavamba sangano re Presybyterian. Saka apo, tinoona kuti chokwadi chakarasika mu Dark Ages, chaive chichingowanikwa zvishoma nezvishoma.



120

Pakapera nguva ya John Calvin, kwakauya rimwe boka rema Kristu munzvimbo dzakasiyana dze Northern Europe, avo vakaverenga maBhaibheri avo, vakawana kuti panokuti vamwayiwe nemvura vachiri vana,



121

rubhabhatidzo runofanira kutevera zvakaititwa naJesu, munhu achizvisarudzira zvakare achinyudzwa mumvura. Ava vainzi ma Anabaptists.



122

Kubhabhatidzwa nekunyudzwa - kuisiwa pasi pemvura, kufukidzwa nemvura muviri wese, sezvakaitiwa Jesu - ichokwadi chakakosha chakarasika munguva ye Dark Ages, nokuti zvinhu zvinoratidza kufa kuchivi nekurarama munaMwari.



123

(Chiverengo: VaRoma 6:3,4)
Ko hamuzivi here kuti isu takabhabhatidzwa munaKristu Jesu, takabapatidzwa murufu rwake?

22 - ZVOKUSARUDZA ZVAKAWANDA



124

Naizvozvo pakubhabhatidzwa takavigwa pamwe chete naye murufu;



125

kuti saiye Kristu akamutswa kuvakafa nokubwinya kwaBaba, saizvozvo nesu wo tifambe nowupenyu hutsva.
VaRoma 6:3,4.



126

Kuti ubhabhatidzwe sezvakaita Jesu,



127

tinofanira kudzidza kwaaHari.



128

tinofanira kubvuma zvivi zvedu.



129

tinofanira kugamuchira Jesu samuPonesi wedu.
Vakawanda vema Anabaptists vakarasikirwa nehupenyu hwavo, nekuti waitenda kuti vanofanirwa kufamba naJesu nokubhabhatidzwa nenzira yaJesu.



130

Kubva mumavambo aya, sangano re Baptist rakavapo.



131

(Chiverengo: Mateo 28:18,19)
Ipapo Jesu wakasvika, akatawura kwavari, akati:
Ndakapiwa simba rose kudenga napanyika.

22 - ZVOKUSARUDZA ZVAKAWANDA



132

Endai naizvozvo, mudzidzise marudzi ose,



133

muvabhabhatidze muzita raBaba, nero Mwanakomana,
nero Mweya Mutsvene;
Mateo 28:18,19.



134

Jesu akatuma sangano rake kuti riende kunodzidzisa
nekubhabhatidza nekuita vateveri Vake.
Ma "Reformation Baptists" vaitevera vachizadzikisa
kuraira kwaJesu, sezvatinoita nhasi!



135

Tarisa, vamutsidziri ava vakasiyana-siyana vaiwana
chokwadi chakarasika munguva ye Dark Ages.
Pavaiwana chokwadi, vateveri vavo vaisangana vachiita
kereke kana sangano ravo, ese masangano kana
makereke aya achinzi Masangano anopikidza
(Protestant denominations), maLutherans,
Presbyterians, nemaBaptists.



136

Pakupedzisira, munyika yeku England, murume anonzi
John Wesley akatanga kudzidza Bhaibheri.



137

Mukoma wake ainzi Charles, akanyora nziyo dzakanaka
dzaJesu, vakafunga kudziimba mukereke.
Vakaonazve kuti zvaive zvakakosha kugamuchira chipo
cheruponeso, kuteerera Mwari, kubhabhatidzwa,
kukura munyasha dzaMwari nekuva munhu akarurama
arimutsvene sekutaura kweshoko raMwari.

John Wesley aive ari mumutsidziri mukuru, uye
paakafa, vateveri vake vakatevedzera zvaakadzidzisa
vakazovamba kereke rema Methodists.

22 - ZVOKUSARUDZA ZVAKAWANDA



138

Munzvimbo dzakasiyana dzenyika dzinoti South America, Europe ne North America, vanhu vakatanga kudzidza nezvokuuya kwaJesu kwechipiri.



139

Murume ainzi William Miller we North America, akaverenga nevimbiso yaJesu irimuna Johane 14. Akaverenga kuti Jesu aizouya nokukurumidza.



140

Saka, pamusoro pezvema



141

Waldenses ayidzidzisa Bhaibheri sezvariri,



142

nokudzidzisa komuchinda ayinzi Huss mayerana nokuteerera,



143

Kudzidzisa komuchinda ayinzi Luther maererano nezve nyasha dzaMwari,



144

kudzidzisa komuchinda ayinzi Calvin maererano nokushandurwa komunhu noMweya Mutsvene,



145

nesangano rema Anabaptists rayidzidzisa maererano norubhabhatidzo rwechokwadi,

22 - ZVOKUSARUDZA ZVAKAWANDA



146

nekudzidzisa komuchinda ayinzi Wesley maererano nokuva mutsvene, William Miller akazodzidzisa pamusoro pezvese izvi rimwechokwadi rakakosha: Kuuya kwaJesu kwechipiri kuripedyo.



147

Pakapfuura nguva ya Miller, sangano rema Adventists rakaendera mberi.

Shamwari dzake dzakazooka kuti kana munhu akafa, anorara muna Jesu, akamirira kuuya kwake kuzomutswa.

Sezvinodzidzisa Bhaibheri, tinorara kusvika nguva yokumutswa mumakuva.

Achava mangwanani akanaka kwazvo kubatanidzwa nevanodiwa vedu!



148

Ma Adventists okutanga akawana kubva muBhaibheri:



149

1. Rufu kurara.



150

2. Jesu achawuya nokukasika.



151

3. Uchamutsa vakafa.



152

(Chiverengo: 1 VaTesaronika 4:16)

Nokuti Ishe amene uchaburuka kudenga nokudanidzira, nenzwi romutumwa mukuru, nehwananda yaMwari; vakafa munaKristu vachatanga kumuka.

1 VaTesaronika 4:16.



153

(Chiverengo: Johane 14:15)

Kana muchindida, muchachengeta mirairo yangu. Johane 14:15.

“Kana uchindida, chengeta mirairo Yangu.”

Waona, tese tinoda kuva nehukama werudo naJesu. Nokuti tinomuda, tinoda kuchengeta mirairo Yake yese. Kwete imwe yacho, asi yese.



154

(Chiverengo: Mateo 15:9)

Tarisisa zvinotaurwa naJesu munaMateo 15:9: “Asi vanondinamata pasina, vachidzidzisa dzidziso iri mirairo yavanhu.”

Mateo 15:9.

Iri ichokwadi kunyanya munguva yanhasi.

Vanhu vanodzidzisa mashoko nemirairo yavo vachisiya dzidziso yaMwari.



155

Asi hazvina basa kuti munhu anoti chii.

Zvinebasa ndezvinotaurwa naMwari.



156

Kana tichiuya pakunamata, tinofanira kunamata Mwari nezuva reSabata raakaisa.

Izuva rakakosha ratakapiwa naye.

Chokwadi ichi pachaiwanikwa muBhaibheri, vanhu vaichidzidza vakasangana vakavamba kereke kana sangano rema Seventh-day Adventists).

Isaya 58:13 na 14 yakaporofita kuti kuchava nesangano richagadzira kudimbura kwakaitwa mutemo waMwari.

Zvinyorwa izvi zvinotaura nezuva iroro rakakosha:

22 - ZVOKUSARUDZA ZVAKAWANDA



157

(Chiverengo: Isaya 58:13,14)

Kana uchidzora gumbo rako pazuva reSabata, kuti urege kuita zvawunoda pazuva rangu dzvene



158

uchiti, Sabata izuva rinofadza, nezuva dzvene raJehova rinofanira kukudzwa, uchirikudza,



159

usingaiti zvawunoda, kana kutsvaka zvinokufadza, kana kutawura mashoko ako;



160

ipapo uchafarira Jehova kwazvo;



161

neni ndichakufambisa panzvimbo dzakakwirira dzenyika,



162

ndichakugutisa nenhaka yaBaba vako Jakobo, nokuti muromo waJehova wakatawura izvozvo.



163

Mwari vanotitaurira zviripachena kuti hatifaniri kushanda nezuva iroro.

Hatifaniri kuita basa nezuva iroro.

Hatifaniri kutsvaka mafaro edu nezuva iroro.

22 - ZVOKUSARUDZA ZVAKAWANDA



164

Izuva dzvene.

Kana tichiisa Mwari mberi nesabata, zvinova zvinhu zvinofadza kwazvo.

Sabata rinofadza kwazvo.

Mwari Haasi kutitorera - Arikutipa chikomborero chakakosha.

Zvinofanana nezororo rinobhadharwa.

Anoti Iye, ahatiita kuti tifambe munzvimbo dzakakwirira dzenyika.

Chikomborero chakanaka kwazvo chaanotipa kana tichimuisa kutanga muhupenyu hwedu - kana tikamutevera, kana tikachengeta Sabata rivedzvene sezvaanotikumbira.



165

Saka pachokwadi chese chatinodzidzisiwa naMwari muBhaibheri, Satani anouya nenhema - chitevedzero chenhema.



166

Mwari anoti kana tikafa, tinorara muguva. Satani anoti iye kana tikafa tinoenda kudenga, kana kugehena, kana kunzvimbo yokunotambudzika tisati taenda kudenga.



167

Mwari anoti rubhabhatidzo kunyudza munhu pasi pemvura.


Satani anoti tingabhabhatidzwe nokumwayiwa mvura.

Mwari akatipa chokwadi chake nezvoutano.

Satani anoti mirairo yezveutano yakabiswa.

Pachokwadi chese, pane chitevedzero chenhema.

Izvi zvinokonzera kunyonganika kukuru.




168

(Chiverengo: Zvakazarurwa 18:2)

Akadanidzira nenzwi guru, achiti: Rawa, Rawa, Bhabhironi, guta guru,

22 - ZVOKUSARUDZA ZVAKAWANDA



169

yava nzvimbo munogara mweya yakaipa, nenhare yemweya yose yetsvina, nenhare yeshiri dzose dzinetsvina dzinovengwa.

Zvakazarurwa 18:2.

Bhabhironi, muchiporofita zvinoreva kuti “Kutenda kwakanyonganika.”

Tereera yambiro iripo apa.



170

(Chiverengo: Zvakazarurwa 18:4)

Zvino ndakanzwa rimwe inzwi rinobva kudenga, richiti: Budai mariri, vanhu vangu,



171

kuti murege kuwadzana naro pazvivi zvaro, mugorega kupiwa madambudziko aro.

Zvakazarurwa 18:4.



172

Mwari arikudana vanhu Vake kuti vabve mukunyonganika, nokuti vasava nechinhu chokuita nezvivi zvacho.

Shamwari, Jesu arikukudana izvozvi.

Iyezvino, inguva yekumirira Jesu!



173

(Chiverengo: Mabasa 2:47)

Vachirumbidza Mwari, vachidikanwa navanhu vose. Ishe akawedzera kwavari zuva rimwe nerimwe avo vaiponeswa.

Mabasa 2:47.



174

(Chiverengo: 1 VaKorinte 12:13)

Nokuti muMweya mumwe isu tose takabhabhatidzirwa mumuviri mumwe; kana tiri vaJuda, kana vaGiriki, kana varanda,



175

kana vakasununguka; isu tose takanwiswa paMweya mumwe.

1 VaKorinte 12:13.

22 - ZVOKUSARUDZA ZVAKAWANDA



176

(Chiverengo: 1 VaKorinte 1:18)
Nokuti shoko romuchinjikwa wupenzi
kunavanoparadzwa;



177

asi kwatiri, isu tinoponeswa, isimba raMwari.
1 VaKorinte 1:18.



178

Kana tanga tichidzidza manheru aya, zvirinyore kuti
tione kuti hupenyu nedzidziso yaJesu yaibudisa
pachena chokwadi chaaida kuti vateveri Vake vazive
uye vachinzwisise.

Taona zvakare kuti Satani akaita hondo nechokwadi
nesangano raKristu, achisunga, achiuraya,
achinyonganisa uyezve achishandura chokwadi
chakapiwa naKristu kusangano Rake.

Taona mukudzidza kwedu Bhaibheri nenhorondo kuti
Kristu arikutungamira vanhu vake kuchochokwadi
dzaakapa kusangano rake rekutanga.

Arikudana vanhu kuti vabve mukutenda
kwakanyonganika, vaende muchokwadi rakanyorwa
mushoko rake dzvene.

Haudi here panguva ino, kudawira yambiro yengiroso, “
...Budai mariri vanhu vangu!” Haudi here panguva ino
kuva umwe wesangano raMwari?...Avo vanochengeta
mutemo waMwari nekutenda kwaJesu?

Tinodaniwa kubva muBhabhironi kuti tiite
zvakarurama. Haumude Jesu here?

Arikuuya nekukurumidza kuzotitora tiende kudenga
kumusha waakatigadzirira.

Haudi here kumutevera nzira yese?